

## NORÜ TAXRE GA POPERA GA PEDRU ÜMATÜXÜ

*Pedru nüxü narümoxë ga yema yaxôgüxü*

<sup>1</sup> Pa Chaueneëgüx, choma i Chimáü i Pedru nixi i pexcëx chanaxümatüxü i ñaã popera. Rü choma rü Ngechuchu ya Cristuarü ngüxëëruü chixi, rü nüma nixi ga choxü namuxü na nüxü chixuxüçëx i norü ore. Rü pexcëx chanaxümatü i pema na toxrüü aixcüma peyaxôgüxü, erü tórü Tupana rü tórü Maxëxëëruü ya Ngechuchu ya Cristu rü aixcüma nimexëchi. <sup>2</sup> Rü ñuxma na Tanatü ya Tupanaxü pecuáxü rü tórü Cori ya Ngechuchuxü pecuáxü, rü chanaxwëxe i nümagü aixcüma pemaã namecüma rü aixcüma pexü nataãëxëë.

*Yaxôgüxüçümagüchiga*

<sup>3</sup> Rü Tupana rü noxrütama poramaã marü tüxna nanaxã ga guxüma i ngëma nacüma i mexü i inaxwëxëxü na aixcüma meã naxcëx imaxëxüçëx. Rü yemaãcü nanaxü ga yexguma tüxü nüxü nacüëxëëgu ga guma tórü Cori ya mexëchicü ga norü poramaã tüxü decü. <sup>4</sup> Rü yematama norü poramaã tüxna nanaxã ga guxüma ga norü ngüxëë i mexëchixü ga inaxunetaxü na naxrüü pimexüçëx rü nüxna pixigachixüçëx i guxüma i chixexügü i duüxügüarü ngüchaü i chixexügagu ñoma i naãnewa ngëxmaxü. <sup>5</sup> Rü ngëmacëx penaxwëxëgü na pegü peporaexëëxü na yexeracü peyaxôgüxü rü meã togüpëxewa pemaxëxü. Rü ñuxuchi name na meãma nüxü

pecuáxũ na tacü yĩxũ i Tupana pexũ naxwèxexũ.  
<sup>6</sup> Rũ ngëxgumarũũ ta penaxwèxegü na meã  
 pegümaã ipecuáxũ na tama chixexũgu peyixũcèx.  
 Rũ ñuxũchi name na yaxna pegümaã pexĩnũxũ.  
 Rũ ngëxgumarũũ ta name na aixcüma Tupanaxũ  
 pengechaũgũxũ. <sup>7</sup> Rũ ñuxũchi penaxwèxegü na  
 pegü pengechaũgũxũ ya guxãma i pemax. Rũ  
 ngëxgumarũũ ta name na guxũma i duũxũgũxũ  
 pengechaũgũxũ. <sup>8</sup> Rũ ngëxguma aixcüma  
 ngëma pexũ chaxucuxẽxũãcüma pemaxëgu,  
 rü tãütáma natücèxma nixĩ i perü maxũ, rü  
 tãütáma natücèxma nixĩ na nüxũ pecuáxũ ya  
 tórü Cori ya Ngechuchu ya Cristu. <sup>9</sup> Natürü  
 yixema tama ngëma pexũ chaxucuxẽxũãcüma  
 maxũxê, rü ñoma tangexetũxürüũ tixĩ. Rũ ñoma  
 wüxi i duũxũ i tama nagu rüxĩnũxũ i ngëma  
 yixcüra tá nüxũ ngupetũxürüũ tixĩ, erü nüxũ  
 itayarüngüma na ñuxãcü Tupana tũxũ nüxũ  
 ngechaũxũ ga tũmaãrũ pecadugü. <sup>10</sup> Rũ ngëmacèx,  
 Pa Chaueneëgũx, name nixĩ na yexeraãcü meã  
 Tupanacèx pemaxẽxũ na ngëmaãcü ipenawéxũcèx  
 na aixcüma Tupanaãrũ duũxũgü ya pexcèx  
 naçaxe rü pexũ dexe na pixĩgũxũ. Rũ ngëxguma  
 ngëmaãcü pemaxëgu rü tagutáma chixexũgu peyi  
 rü tagutáma Tupanaxũ ípetèx. <sup>11</sup> Rũ ngëmaãcü ya  
 Tupana, rü tá meã pexcèx nayawãxna i iãx na  
 tauxchaãcü pichocuxũcèx i ngextá guxũgutáma  
 ãëxgacü íyĩxũwa ya tórü Cori ya Ngechuchu ya  
 Cristu ya tórü Maxëxëëruũ. <sup>12</sup> Rũ ngëmacèx woo  
 marü nüxũ na pecuáxũ rü nagu na pexĩxũ i ngëma  
 ore i aixcüma ixĩxũ, natürü guxũgutáma pexna  
 nüxũ chacuèxãchixëëëcha ga yema pexũ namaã

chaxucuxẽxũ. <sup>13</sup> Erũ ñuxma na chamaxũxũ i chomax, rũ nagu charũxĩnũ na namexũ na pexna nũxũ chacuexãchixẽẽxũ i ngẽma ore i namaã pexũ chixucuxẽgũxũ, na ngẽmaãcũ pexũ changũxchaũẽẽxũcèx na meã Tupanacèx pemaxẽxũ. <sup>14</sup> Rũ pemaã nũxũ chixu i ngẽma, erũ tórũ Cori ya Ngechuchu ya Cristu choxũ nũxũ nacuexẽẽ na paxa tá chayuxũ. <sup>15</sup> Rũ ñoma rũ ta na chamaxũxũ, rũ meã pexũ chixucuxẽgũ na ngẽxguma chayuxguwena rũ guxũguma nũxna pecuexãchiexũcèx i ngẽma chorũ ucuxẽgũ na ñuxãcũ Tupana naxwèxexũ na pemaxẽxũ.

*Pedru rũ namücügũ rũ aixcũma Cristuxũ nadaugũ ga na ñuxãcũ namexẽchixũ*

<sup>16</sup> Rũ yexguma pexũ tangúexẽẽgu na ñuxãcũ naporaxũ ya tórũ Cori ya Ngechuchu ya Cristu rũ ñuxãcũ tá wena na nataeguxũ, rũ tama tomatama togũãẽwa tayaxuxũ i ore nixĩ. Yerũ tomatama toxetũmaã nũxũ tadau na ñuxãcũ namexẽchixũ i nũma ya tórũ Cori. <sup>17</sup> Rũ nũxũ tadau ga yexguma Tanatũ ya Tupana nũxũ icuexũũgu. Rũ nũxũ taxĩnũẽ ga yexguma gumatama Tanatũ ya Tupana ya Mexẽchicũ ñaxgu:

“Daa nixĩ ya Chaune ya nũxũ changechaũxũchicũ.  
Rũ choma rũ poraãcũ namaã  
chataãẽxũchi”,

ñaxgu. <sup>18</sup> Rũ aixcũma tomaxũchima nũxũ taxĩnũẽ ga yema Tupanaga ga daxũguxũ ga naãnewa inaxũxũ, yerũ tomatama rũ tórũ Corimaã tayexmagũ nawa ga guma mèxpũne ga üünene ga yexguma yema ngupetũgu. <sup>19</sup> Rũ yemaãcũ nũxũ tadau na aixcũma yĩxũ ga yema

ore ga nuxcümaŭgüxŭ ga Tupanaärü orearü uruüğü nüxŭ ixugüğüxŭ. Yerü yema nüxŭ yaxugüğüxŭrüütama nixĩ ga nüxŭ tadauxŭ. Rü name nixĩ i pema rü ta aixcüma meã nagu perüxĩnüē i ngēma ore, erü wüxi i omü i íraxetüxŭ i ēānexŭwa ibaxixŭrüü nixĩ. Rü ngēma ore rü tá pexŭ nüxŭ nacuèxēē i Tupanachiga ñuxmatáta ínangu ya tórü Cori ya Ngechuchu ya Cristu ya yima woramacuri ya ngunetüxŭ ngócürüü ixĩcü. Rü ngēxguma ínanguxgu i nüma rü aixcüma tá meã pexŭ nüxŭ nacuèxēē i guxŭma i nachiga. <sup>20</sup> Natürü chanaxwèxe na guxŭärü yexera nüxŭ pecuáxŭ i ñãã ore i tá pemaã nüxŭ chixuxŭ. Rü dücax, taxúema tüechamatama nüxŭ tacuèx i tacüchiga na yĩixŭ i Tupanaärü ore i ümatüxŭ, ega Tupanaãē i Üünexŭ tama tüxŭ rüngüxēēgu. <sup>21</sup> Yerü taxuŭma ga Tupanaärü orearü uruŭ rü nüēchamatama nügüãēwa nanayaxu ga yema ore ga nüxŭ yaxugüğüxŭ. Natürü yexguma yema orexŭ yaxugüğügu, rü Naãē i Üünexŭ nixĩ ga yadexagüxēēxŭ.

## 2

### *Doramaã duüxŭgüxŭ ngúexēēxŭchiga*

<sup>1</sup> Natürü nuxcüma rü nayexma ta ga Tupanaärü orearü uruügüneta ixĩgüğü ga Yudíugütanüwa. Rü ngēxgumarüü tá ta petanüwa nangēxma i duüxŭgü i nguxēēruügüneta ixĩgüğü. Rü nümagü rü tá doramaã nanaxüchicüü i Tupanaärü ore, rü ngēmaãcü tá pexŭ nangúexēē i ore i dora ixĩxŭ na pexŭ nawomüxēēgüxŭcèx. Rü nümagü rü tãütama naga naxĩnüēchaŭ ya yima tórü Cori ya

Ngechuchu ya Cristu ya norü Maxëxëëruüchirëx  
 ixïcü. Rü ngëmagagu ya Tupana rü ngürüächi  
 tá nanapoxcue i ngëma duüxügü i ngëmaäcü  
 maxëxü, rü tá inayanaxoxëë. <sup>2</sup> Rü nümagü rü tá  
 nüxü nixugü na tama wüxi i chixexü yïxü ega  
 woo taxüneärü ngúchaü ixüxgu. Rü muxüma  
 i togü i duüxügü rü tá nawe narüxï i ngëma  
 chixexü i naxügüxüwa. Rü ngëma chixri pexü  
 ngüxëëxügagu rü muxüma i togü i duüxügü rü tá  
 chixri nachiga nidexagü i Tupanaärü ore i mexü  
 i aixcüma ixïxü. <sup>3</sup> Rü nümagü i ngëma duüxügü i  
 chixexü rü tá nügüna nananugüchaü i guxüma.  
 Rü ngëmacëx tá pemaã nüxü nixu i ore i chixexü  
 ixïxü na ngëmaäcü pexü nawomüxëëgüxüçëx rü  
 pexü ngïxü nayauxgüxüçëx i perü dïëru. Natürü tá  
 napoxcue i ngëma duüxügü, rü täütama nibuxmü.  
 Erü Tupana rü woetama nuxcümama nanamexëë  
 i ngëma poxcu. <sup>4</sup> Yerü ga Tupana rü tama nüxü  
 nüxü nangechaü ga norü orearü ngeruügü  
 ga daxüçüãx ga pecadu ügüxü. Rü yemacëx  
 ínaxëänexüwa i ngoxogüxü ínapoxcuexüwa  
 nanawogü. Rü cadenamaã nayanëixgü na ngëma  
 nangëxmagüxüçëx ñuxmatáta nawa nangu i ngëma  
 ngunexü i nagu Tupana nüxna çaxü i guxüma i  
 duüxügü. <sup>5</sup> Rü yexgumarüü ta ga Tupana rü tama  
 nüxü nüxü nangechaü ga yema nuxcümaügüxü  
 ga duüxügü ga chixexü ügüxü. Rü yemacëx  
 mucü ga taxüchicü naxcëx yéma nanamu na  
 gumamaã nadaiãxüçëx ga yema duüxügü ga  
 chixexü ügüxü. Natürü ga Tupana rü Noëxü  
 nadau ga na meãma duüxügüxü yaxucüxëgüxü  
 na nüxü naxoexüçëx ga norü chixexügü. Rü  
 yemacëx ga Tupana rü Noëxü namaxëë namaã ga

7 ga natanüxügü. Natürü nanadai ga guxüma ga yema togü ga duüxügü. <sup>6</sup> Rü Tupana rü yexgumarüü ta inayanaxoxëë ga guma ãnegü ga Chodoma rü Gomora ga poraãcü chixri duüxügü nawa maxëne. Rü ínanagu ga guma ãnegü ñuxmata norü tanimacaxicatama íyaxü. Rü yemaãcü nanaxü na guma ãnegü rü wüxi ga cuèxruü na yíixücèx nüxü ga yema duüxügü ga chixexü ga yemawena maxëxü. <sup>7</sup> Natürü ga Chodomawa rü Tupana nanamaxëë ga Lox ga wüxi ga yatü ga mecü ixícü ga poraãcü ngechaücü ga yexguma nüxü nadèuxgu ga ñuxãcü chixri na namaxëxü ga yema duüxügü ga natanüwa nayexmaxü. <sup>8</sup> Rü guxü ga ngunexügu rü nüma ga Lox ga meã maxücü rü poraãcü naãëwa nangux ga yexguma nüxü nadèuxgu rü nüxü naxñügu ga yema chixexügü ga naxügüxü ga yema duüxügü ga natanüwa nayexmaxü. <sup>9</sup> Rü yema Loxü na namaxëëxürüü ga Tupana, rü nüxü natauxcha na tüxü ínanguxüxëëxü i ngëxguma Chataná tüxna ñügu ya yíxema meã maxëxë. Rü ngëxgumarüü ta ya yíxema chixexü ügüxe, rü nüxü natauxcha na poxcuwa tüxü nangëxmagüxëëxü ñuxmatáta nawa nangu i ngëma ngunexü i nagu guxüma i duüxügüxü yacagüxü. <sup>10-11</sup> Rü Tupana rü aixcüma tá nanapoxcue i ngëma duüxügü i naxüneärü ngúchaügu íxü i tama naga ñnüëchaüxü ya tórü Cori. Rü ngëma duüxügü rü taxúegama naxñnüëchaü, rü nadauxcüraxüwëxegü rü nügüguxicatama narüxñnüë. Rü tama namuüë na namaã naguxchigagüxü i ngëma ãëxgacügü i daxücüãx i Tupanatüüwa ngëxmagüxü. Rü ngëmaãcü namaxë i ngëma duüxügü. Natürü

woo Tupanaãrũ orearũ ngeruũgũ i daxũcũãx i ngẽma duũxũgũxũ rüyexeraxũchichiréxũ, rũ namuũẽ na ngẽmaãcü namaã naguxchigagũxũ i ngẽma ãẽxgacũgũ i daxũcũãx i Tupanatũũwa ngẽxmagũxũ. <sup>12-13</sup> Rũ ngẽma nguxẽeruũgũneta, rũ ñoma naẽxũgũrũũ nixĩgũ, rũ naẽxũgũrũũ taxuũma nacuèxgũ. Rũ ngẽma naxũnegũ naxwèxexũ nixĩ i naxũgũxũ. Rũ nabue na ñoma naẽxũgũ i yayauxgũxũ rũ nadeixũrũũ yixĩgũxũcèx. Rũ chixri nachiga nidexagũ i ngẽma tama nüxũ nacuèxgũxũ. Natürũ ngẽma chixexũ i naxũgũxũgagu tá inayarũtauxe, rũ ngẽmaãcü ngũxũ tá ningegũ nagagu i ngẽma ngũxũ i toguãxũ yangexẽegũxũ. Rũ nümagũ rũ namaã nataãẽgũ i ngẽma chixexũ i ngunecũtama naxũgũxũ. Rũ ngẽxguma pemaã nachibũegu, rũ wũxi i chixexũchixũ rũ ãnexũchi nixĩgũ erũ ngẽma rũ ta nanaxũgũ i norũ chixexũgũ i namaã pexũ nawomũxẽẽgũchaũxũ. <sup>14</sup> Rũ ngẽma duũxũgũ rũ taxuacũma wũxi ya ngeãxũ nadaugũmare, erũ naãẽwa rũ nagu narũxĩnũẽ na nüxũ tangũchaũxũ. Rũ tama nüxũ ninguéga na pecadu naxũgũechaxũ. Rũ naxcèx nadaugũ na ñuxãcü chixexũgu tüxũ nayixẽẽxũ ya yixema duũxẽgũ ya turaearũ maxũãxgũxe. Rũ nüxũ nicuèxũchi na ñuxãcü tacũ nügũna nanugũexũ. Natürũ Tupana rũ marũ namaã nanaxuegu na napoxcueãxũ. <sup>15</sup> Rũ ngẽma duũxũgũ rũ tama nagu naxĩ i ngẽma Tupana nüxũ naxwèxexũ, rũ ngẽmacèx inayarũtauxe. Rũ nagu naxĩ ga yema chixexũ ga nagu yaxũxũ ga nuxcũmaũxũ ga Tupanaãrũ orearũ uruũ ga Baráũ ga Beú nane ga chixexũ üxũ na yemaãcü dñeru ngĩxũ nayaxuxũcèx. <sup>16</sup> Rũ noxrũtama

buru ga woo taguma idexachiréxcü, rü wüxi ga duüxürüü namaã iyadexa rü inanga naxcèx ga yema chixexü ga naxüxchaüxü. Rü yemaãcü Baráxü íyachaxãchixëë na tama naxüãxüçèx ga yema chixexü ga naxüxchaüxü. <sup>17</sup> Rü ngëma duüxügü rü taxuwama nime ñoma wüxi i puchu i ngearü dexáãxürüü. Rü ñoma wüxi i caixanexü i buanecü icuexürüümare nixĩ na taxuwama yamexü. Natürü Tupana rü marü nanamexëë i wüxi i nachica i ëãnexüchixü i ngextá guxügutáma ínapoxcueãxüwa i ngëma duüxügü. <sup>18</sup> Rü ngëmaãcü tá nanapoxcue i ngëma duüxügü, erü nügü yacuèxüügüãcüma chixri nidexagü i ore i taxuwama mexümaã. Rü tüxü nixucuxëgü na tümáxüneärü ngúchaügu na taxĩxüçèx ya yíxema marü ngexwacèx ngëmaxü rüxoechiréxe. <sup>19</sup> Rü tümamaã nüxü nixu rü ngëxguma nawe tarüxĩxgu rü tá tüxü ínanguxüxëë na taxuümëxëwa tangëxmagüxüçèx rü tümá tanaxwèxexüãcüma tamaxëxüçèx. Natürü ngëma duüxügü i ngëmaãcü chixri idexagüxü, rü nümagütama rü norü chixexütüüwa nangëxmagü. Erü guxüma i duüxügü, rü ngëma nüxü rüyexeramaëxütüüwa nügü nangëxmagüxëë. <sup>20</sup> Rü guxãma ya yíxema marü tórü Cori ya Ngechuchu ya Cristu ya tórü Maxëxëëruüxü cuëxgüxe, rü marü nawa ítanguxü i ñoma i naãneärü chixexügü. Natürü ngëxguma chi wenaxãrü naxcèx tawoegugu i ngëma chixexü i nawa ítanguxüchiréxü, rü tümáãrü me yixĩgu na wena ngëma chixexütüüwa tangëxmagüxü, rü aixcüma noxriarü yexera tichixe. <sup>21</sup> Erü ngëxguma chi nüxü tacuèxgüguwena nüxü tarüxoegu i ngëma ore i mexü ga noxri tayauxgüxü, rü narümemaë chi

nixĩ ga noxtacüma tãũ chima nüxũ na tacuèxgüxũ i ngẽma maxũ i aixcüma mexũ. <sup>22</sup> Tupanaãrũ ore i ümatüxũwa rü ñanagürü:

“Ngẽma airu i nügü oxgüxũ, rü wenaxãrũ naxcèx nataegu i norü oxü na yaweaxüçèx. Rü ngẽma cuchi i norü yora meãma aiyachiréxũ, rü ngẽxgumatama wenaxãrũ norü aiyaneçèx nataegu”,

ñanagürü i ngẽma orewa. Rü ngẽxgumarüũ nixĩ i ngẽma duüxügü i marü Tupanaãrũ orexũ cuèxgüchiréxũ rü ñuxũchi wenaxãrũ naxcèx woeguxũ i norü chixexügü ga noxri nawa ínangüchiréxũ.

### 3

#### *Tórü Coriarü taeguchiga*

<sup>1</sup> Pa Chaueneëgü ya Pexũ Changechaügüxex, ñaã nixĩ i ngẽma norü taxre i popera i pexcèx chaxümatüxũ. Rü yema nüxĩraüxũ ga poperawa pemaã nüxũ chixuxürüũ, rü wena pexũ chixucuxëgü rü pexna nüxũ chacuèxãchixëẽ na aixcüma meã Tupanaãrũ oregu perüxĩnüèxüçèx.

<sup>2</sup> Rü chanaxwèxe i nüxna pecuèxãchie i ngẽma ore ga nuxcümaügüxũ ga Tupanaãrũ orearü uruügü ga ixüünexũ nüxũ ixugügüxũ. Rü ngẽxgumarüũ ta chanaxwèxe i nüxna pecuèxãchie i ngẽma tórü Cori ya Ngechuchu ya tórü Maxèxëẽruãrũ mugü ga pexũ nangúexëẽxũ ga norü orearü uruügü ga nüma pexütawa namugüxũ. <sup>3-4</sup> Natürü chanaxwèxe i guxũãrũ yexera nagu perüxĩnüè i ñaã ore i pemaã tá nüxũ chixuxũ. Rü dücax, rü ngẽxguma nagúxchaügu i ñoma i naãne, rü

tá ínangugü i duñxügü i chixexü i nagu ñxü i naxüñeärü ngúchaügü. Rü nümagü rü tá nacugüeãcüma ñanagürügü:

“Düçèx, Cristu inaxuneta na wena núma naxüegaxü. ¿Rü tacü namaã nangupetü i ñuxma na tama ínanguxü? Rü marü düxwa nayue ga tórü oxigü ga yaxögüxü, natürü noxri naãne üxgumama rü nanangëxgumaraüëchatama i guxüma”, ñanagürügü tá. <sup>5-6</sup> Natürü ngëma duñxügü i ngëmaãcü idexagüxü rü tama nüxü nacüëxgüchaü ga yema ngupetüxü ga yexguma Tupana ñoma ga naãnewa namuãgu ga guma mucü ga tacü ga iyanaxoxëëcü ga guxüma ga tacü ga ñoma ga naãnewa yexmaxü. Rü nuxcümamaxüchima naxüpa ga guma mucü rü woetama nayexma ga ñoma ga naãne rü guxüma i daxüwa nüxü idauxü ga Tupana ngoxëëxü ga yexguma namuãgu na nangóxüçèx. Rü yemaãcü dexáchiüwa nangox ga ñoma ga naãne rü dexáarü ngãxütüchiüwa nayexma, yerü yemaãcü nanamu ga Tupana. <sup>7</sup> Natürü ngëma ñuxma ngëxmaxü i daxüwa nüxü idauxü rü ñoma i naãne rü Tupana namaã nanguxü na yixcama üxüwa yaxaxüçèx, yerü yemaãcü namaã nanaxuegu. Rü ngëma ñoma i naãne rü ngëma daxüwa nüxü idauxü, rü yima üxü ya Tupana nüxü ixuxñewu tá nixí i aixcüma ínaguãxü i ngëma ngunexü i nagu naxunetaxügu na napoxcueãxü rü chixexüwa nawogüãxü i ngëma duñxügü i tama naga ñnüëchaüxü. <sup>8</sup> Rü ñuxmax, Pa Chaueneëgü ya Pexü Changechaügüxex, tama chanaxwèxe i nüxü ipeyarüngümaë na wüxitama i ngunexü rü tórü Coricèx rü 1000 ya taunecürüü

yĩxũ. Rũ ngẽxgumarũũ ta, 1000 ya taunecũ rũ tórũ Coricèx rũ wũxitama i ngunexũrũũ yĩxũ. <sup>9</sup> Rũ ñuxre i duũxũgũ rũ nagu narũxĩnũe na tãũtãma paxa ínanguxũ ya tórũ Cori yema tamaã inaxunetaxũrũũ. Natürũ nũma ya tórũ Cori rũ tama nanuxcüãe na yanguxẽẽãxũ i ngẽma norũ uneta, natürũ nũma rũ tamaã yaxna naxĩnũmare, Erũ nũma rũ tama nanaxwèxe na texé iyarütaxuxũ, natürũ nanaxwèxe na guxãma nũxũ rũxoexũ i tũmacũma i chixexũ. <sup>10</sup> Natürũ ngẽma ngunexũ i tórũ Cori nagu ínguxũ, rũ taxũema nagu ínanguxẽẽxũgu tá nixĩ. Erũ ngürũãchimare tá ínangu ñoma wũxi i ngĩtèxáxũ ínguxũrũũ. Rũ ñuxũchi guxũma i ÷acũ i daxũguxũ i naãnewa ngẽxmagũxũ rũ tá tagaãcü niwãĩxgũ rũ ngẽmaãcü tá inayarũtauxe. Rũ yima üèxcũ rũ tauemacũ rũ woramacurigũ rũ ãtagũ rũ tá nixae rũ ngẽxma tá nayarũxogũ. Rũ ngẽxgumarũũ tá ta i ñoma i naãne rũ tá nixa namaã i guxũma i ÷acũ i nawa ngẽxmagũxũ. <sup>11</sup> Rũ ñuxma na ngẽmaãcü tá namaã nangupetũxũ i guxũma i ÷acũ i ngẽxmaxũ, rũ yexeraãcü penaxwèxe na aixcüma Tupanapẽxewa pixũünexũ rũ nũma nanaxwèxexũãcüma na pemaxẽxũ. <sup>12</sup> Rũ name nixĩ i meã ípenanguxẽẽ i ngẽma ngunexũ i nagu tá ínanguxũ ya tórũ Cori ya Tupana. ¡Rũ paxa guxũwama nũxũ pixu i norũ ore rũ aixcüma naxcèx pemaxẽ na ngẽmaãcü ípenanguxẽẽxũcèx! Rũ ngẽma ngunexũgu rũ guxũma i daxũwa nũxũ idauxũ rũ tá nixa rũ tá inachaxichigũ. Rũ ñoma i naãne rũ üèxcũ rũ tauemacũ rũ ãtagũ rũ yima üxũmaã tá inachaxichigũ. <sup>13</sup> Natürũ yixema na yaxõgũxũ rũ ítananguxẽẽ

i ngẽma ngexwacaxũxũ i daxũguxũ i naãne rü ngexwacaxũxũ i ñoma i naãne ga Tupana tamaã ixunetaxũ. Rü ngema rü guxũtáma name, rü yixema rü tá ta aixcũma time. <sup>14</sup> Rü ngẽmacèx, Pa Chaueneẽgü ya Pexũ Changechaũgũxex, rü ñuxma na ípenanguxẽẽxũ i ngẽma, rü name nixĩ i aixcũma meã pemaxẽ rü aixcũma pegü pengechaũgü na taxuwama nachixexũcèx i perü maxũ rü aixcũma petaãẽgũxũcèx i ngẽxguma wena núma naxũxgu. <sup>15</sup> Rü name nixĩ i nüxna pecuèxãchie na yaxna tamaã naxĩnũxũ ya tórü Cori, erü nanaxwèxe na tüxũ nangẽxmaxũ i tórü maxũ i taguma gúxũ. Rü ngẽmatama pexcèx chanaxümatüxürüü ta nixĩ ga pexcèx naxümatüãxũ ga taeneẽ ya nüxũ ingechaũgücü ya Pauru ga yexguma Tupana naporaxẽẽcũma pexcèx naxümatüãgu. <sup>16</sup> Rü guxũma ga norü poperawa rü ñãã pexcèx chaxümatüxũchiga nanaxümatü ga Pauru. Natürü yema pexcèx naxümatüxũwa rü nangẽxma i ñuxre i ore i guxchaxũ na nüxũ icuáxũ na tacüchiga yĩxũ. Rü ngẽma duũxũgü i tama aixcũma Tupanaxũ cuèxgũxũ rü tama aixcũma yaxõgũxũ, rü nanaxüchicüügü i ngẽma ore ngẽxgumarüü na guxũma i Tupanaãrü ore i ümatüxũ naxüchicüügüxürüü. Natürü ngẽma chixexũ na naxügũxũgagu rü nügü tátama inayarütauxexẽẽ. <sup>17</sup> Rü ngẽmacèx, Pa Chaueneẽgü ya Pexũ Changechaũgũxex, rü ñuxma na nüxũ pecuáxũ i tacü tá na ngupetüxũ, rü name nixĩ i pexuãẽgü na tama pexũ nawomüxẽẽgũxũcèx i ngẽma chixexũ i duũxũgü rü tama nüxũ perüxoexũcèx na meã peyaxõgũxũ. <sup>18</sup> Rü

ngẽmacèx, Pa Chaueneẽgũx, penaxwèxe na  
pegũ peporaexẽẽxũ na wũxichigũ i ngunexũ  
yexeraãcũ tórũ Cori ya Ngechuchu ya Cristu  
ya tórũ Maxẽxẽẽruũxũ pecuáxũcèx rü yexeraãcũ  
nũxũ picuáetanũxũcèx na ñuxãcũ aixcũma pexũ  
nangechaũxũ. ¡Rü ngẽmacèx rü guxũgutáma rü  
ngĩxã nũxũ tikuèxũgũ! Rü ngẽmaãcũ yĩ.

Rü nuãma pexna,  
Pedru

**Tupanaarü Ore i Tóru Cori ya Ngechuchu ya  
Cristuchiga  
New Testament in Ticuna (PE:tca:Ticuna)**

copyright © 2008 Wycliffe Bible Translators, Inc.

Language: Ticuna

Translation by: Wycliffe Bible Translators, Inc.

Ticuna

tca

Peru

**Copyright Information**

© 2008, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Ticuna

**© 2008, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

---

PDF generated using Haiola and XeLaTeX on 22 Feb 2024 from source files dated 29 Jan 2022

9d5dc22a-30be-5d26-85a9-76047f4c89e6